

筆花醫鏡
卷二



南京中醫藥大學圖書館版權所有

筆花醫鏡
卷二

腎部
膽部
三焦部
女科証治

胃部
大腸部
心包絡部

膀胱部
小腸部
兒科証治



筆花醫鏡卷之二

浙江歸安江涌嘯筆花著

男 彤勳校字

目錄

胃部

膽部

小腸部

心包絡部

兒科目錄

兒科論治

初生保治



南京中醫藥大學圖書館藏

外熱內熱辨

非驚論

痰火閉症

木侮上症

驚悸恐

夜啼

吐瀉

傷暑

食積痞積蟲積痰積水積

疳症

盜汗自汗

咳嗽

解廬龜胸龜背

此外諸症治法與方脈同故不贅敘

婦人科目錄

婦女證論

室女



月經

帶下

肝氣

嗣孕

胎前諸症

臨產將護法

產後諸症

天台程鍾齡女科一卷悉從諸大家論說中斟酌

盡善而出之字字毫髮無憾並無近世臨證指南

手織巧習氣故依治每收實功茲卷大半宗此以

外科正範此外諸症與方脈同治者概不贅敘



腎部

足少陰屬臟

腎者天一之水。先天之本也。位北方。故黑。其體常虛。處腰左右。介其中者。有命門火。蒸化穀食。名曰真陽。腎水充足。自多誕育。享大壽。凡夙夜宜勞。老而不倦者。皆腎氣之固也。好色之流。先竭腎水。喪其本矣。瞳神下頰。兩腰皆其部位。望氣者。覘之。

無表症皆屬於裏

主虛脈左右尺常細軟。其症爲頭痛爲耳鳴爲耳聾爲盜汗爲夜熱爲健忘爲咳嗽爲喘爲吐血。

爲腰痛爲腿痠足軟爲目視無光爲大便結爲小便不禁爲戴陽爲久痢久瘡。

頭痛者血不能充髓海也。六味地黃丸主之。
耳鳴者血虛火旺也。六味地黃丸加牛膝知母主之。

耳聾者虛閉也。六味地黃丸加枸杞人參石菖蒲遠志主之。

盜汗者虛熱也。生地黃煎八珍湯加黃耆北五味並主之。

夜熱者虛火也。四物湯加丹皮地骨青蒿主之。



中國醫藥大學圖書館藏

健忘者心腎不交也歸脾湯十補丸主之

咳嗽者虛火鑠金也六味地黃丸加白蜜胡桃

主之

喘者水虧火炎也知柏八味丸主之

吐血者血虛血熱也生地黃湯主之

腰痛者水不足也六味地黃丸加杜仲川續斷

主之

腿痠足軟者血不營筋也十全大補湯主之

目視無光者水不足也六味地黃丸主之

大便結者血虛液枯也六味地黃丸加白蜜胡



桃主之。

小便不禁者腎氣不約也。十補湯主之。

戴陽者陰火上亢陰躁似陽躁也。金匱腎氣丸主之。

久痢久瘥者脾腎皆虛也。王母桃主之。

腎無實症

腎之寒腎之虛也。脈左右尺必遲沉其症爲命門火衰爲不欲食爲雞鳴泄瀉爲天柱骨倒爲蹇臥厥冷爲奔豚。

命門火衰者虛象百出左歸飲。右歸飲主之。

不欲飲食者火力微也。八味地黃丸主之。
雞鳴泄瀉者腎虛也。加味七神丸主之。
天柱骨倒者督脈空也。右歸飲主之。
踈臥厥冷者火衰也。右歸飲理中湯並主之。
奔豚者腎氣上衝也。奔豚丸主之。
腎之熱水將涸也。傷寒門有之。而雜症罕見。左尺
右尺必沉數或浮而空。舌黑無液。其症爲口燥咽
乾。爲目不明。爲小便不利。爲小便濁。爲小便出血
爲大便秘。

口燥咽乾者水涸也。大承氣湯主之。



目不明者目無血養也。知柏八味丸主之。
小便不利者水少也。滋腎丸主之。
小便濁者濕熱結於下焦也。萹薢分清飲主之。
小便出血者腎水熱也。生地黃湯主之。
大便秘者液涸也。大承氣湯主之。

腎部藥隊

補腎猛將

熟地

枸杞

淫羊藿

北五味

補腎次將

生地

巴戟天

首烏

杜仲

龜板

瀉腎猛將

猪苓

女貞

蘧豆皮

海參

瀉腎次將

澤瀉

知母

赤苓

以仁

涼腎猛將

朴硝

元明粉

苦參

涼腎次將

生地

丹皮

知母

滑石

溫腎猛將

破故紙

鹿茸

鹿月膠

溫腎次將

山茱萸

兔絲子

大茴香

艾葉



金匱要略
卷二



腎部列方

生地黄煎 治陰火盜汗

生地 當歸 炙黃芪 麻黃根

浮小麥

炙草 黃連 黃芩 黃柏

水煎服

王母桃 培補脾腎

炒冬白朮 大熟地

何首烏 炒巴戟

枸杞子 各一 共為細末煉蜜為丸如圓眼大

每用三四丸飢時服

左歸飲 壯水之劑

熟地 錢五 山藥 枸杞 各二

茯苓 錢五



中國醫藥大學圖書館版權所有

山茱萸 灰草各一錢

右歸飲 補命門真火不足

熟地錢五 山藥 枸杞 杜仲各二錢

肉桂 製附子 炙甘草各一錢

八味地黃丸 治命門火衰

製附子 肉桂各一錢 大熟地錢四 山藥

黃肉 茯苓各一錢五分 丹皮 澤瀉各一錢

加味七神丸 治腎虛雞鳴泄瀉

兩豆蔻 吳茱萸 廣木香各一兩 蒸茯苓

補骨脂鹽酒炒 車前子蒸各二兩 土炒白朮兩四



大棗煎湯為丸每服三錢

滋腎丸 治下焦血熱用此滋陰化氣

黃柏 知母各二兩 肉桂錢二

煉蜜為小丸

六味地黃湯 八珍湯 四物湯 十全大補湯

歸脾湯 生地黃湯 金 腎氣丸 理中湯

大承氣湯以上諸方俱見首卷

十補丸 苳解分清飲二方見心部

奔豚丸見肝部

知柏八味丸見肺部



